

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 37. Statuta Općine Novi Grad Sarajevo - prečišćeni tekst ("Službene novine Kantona Sarajevo", broj 30/09), Općinski načelnik, dana 03.02.2014. godine, verificovao je i donio

**ODLUKU**  
**O KOREKCIJI IZMJENA I DOPUNA REGULACIONOG**  
**PLANA "ALIPAŠIN MOST VII"**

Član 1.

Utvrđuje se Korekcija Izmjena i dopuna Regulacionog plana "Alipašin most VII" ("Službene novine Kantona Sarajevo", broj 14/11), u daljem tekstu: Korekcija Plana.

Član 2.

Korekcija Plana se vrši na parcelama koje pripadaju Domu zdravlja "Kumrovec", odnosno na zemljištu označenom kao k.č. 3530/1 i 3530/5 K.O. Novo Sarajevo IV - novi premjer, i istom je, umjesto planiranih pristupnih saobraćajnica sa istoka i zapada, predviđen pristupni put sa juga - saobraćajnice Bulevar Meše Selimovića, uz formiranje nove saobraćajne trake za ulaz te omogućen nesmetan izlaz vozila na Bulevar Meše Selimovića.

Član 3.

Korekcija Plana se sastoji iz tekstualnog dijela i grafičkih priloga (Izvod iz Izmjena i dopuna Regulacionog plana "Alipašin most VII", prezentirano na listu br. 1, Korekcija Izmjena i dopuna Regulacionog plana "Alipašin most VII" M 1:1000, prezentirano na listu br. 2) i Korekcija Izmjena i dopuna Regulacionog plana

"Alipašin most VII"- Saobraćajno rješenje - M 1:1000, prezentirano na listu br.3).

Tekstualni i grafički prilozi Korekcije Plana sastavni su dio Izmjena i dopuna Regulacionog plana "Alipašin most VII" ("Službene novine Kantona Sarajevo", broj 14/11).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima koja su sastavni dio Izmjena i dopuna Regulacionog plana "Alipašin most VII" ("Službene novine Kantona Sarajevo", broj 14/11), te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-17748/13-3  
03. februara 2014. godine

Općinski načelnik  
Općine Novi Grad Sarajevo  
Mr. Semir Efendić, s. r.

